

БҮРЯАД АРАДАЙ

Бүгэдэ арадай сонин

1997
ИЮЛИН
11

Зунай һүүл
улаагшан хонин
харын
6
гарагай 6
ПЯТНИЦА
№ 129 (19720)
Газетын сэн хэлсээтэ

1921 оной
декабриин
21-нээ гарана

Буряад Республикын Правительствата

МҮНГЭНЭЙ ГҮЙСЭ ЯМАР БАЙХАБ?

Буряад Республикын Правительствын Президиумэй ээлжээтэ зүблөөл боложо, хэдэн шухала асуудалнууд зүбшэн хэлсэгдэбэ. Тэрэ тоодо "1997 ондо Буряад Республикын республиканска бюджет тухай" гэхэн Буряад Республикын Хуулида хубилаалта болон нэмэлтэ оруулаха, "Буряад Республикын Правительствын 1996 оной декабриин 30-най тогтоолые республикын Финансын министерствын "Буряад Республикын Правительствын 1997 оной туршада экономика болон социальна халбарыда тухай журамые хүтэлбэрлэхөөр хараалагдахан түсээтэй ябаса тухай", "Буряад Республикада Россин Федерациин Нөөсөлгын банкын региональна отделениин ажал ябуулга тухай" гэхэн асуудалнууд харагдажа, Правительствын гэшүүд өөһэд өөһэдынгөө һанамжа, дурадхалуудые хэлэбэ.

Зүбшэн хэлсэгдэһэн асуудалнуудаар Буряад Республикын Финансын министр Г.В.Шлыкоча (түрүүшын хоёр), Россин Федерациин Нөөсөлгын банкын Буряадай отделениин банкын түрүүлэгшэ А.Н.Гыслова гэгшэд элдхэжэ, тоосонһон байна.

Зүбшэн хэлсэгдэһэн асуудалнуудта бүхы ажаглалта, дурадхалуудые оруулжа, бэлэн болгоод, республикын Арадай Хуралай депутатуудай хаража, баталхыень дурадхаха гэхэн шиндхэбэри зүблөөндэ хабаадаһан Правительствын Президиумэй гэшүүд нэгэн дуугаар баталба.

Б.ЦЫРЕМПИЛОВ.



Улаан-Үдэ хотын Үдэр

ХИИ МОРИН НҮЛДЭТЭЙ, ШАТАР НААДАН ТАТАСАТАЙ

Үнгэрһэн амаралтын үдэр Улаан-Үдэ хотын һайндэр үргэнөөр тэмдэглэгдэбэ. Энээн тушаа уншагшадтаа мэдээсэ хэмди. Мүнөө буряад арадаймнай эгээл дуратай спортын зүйлнүүдэй нэгэн - шатар наадан тухай хөөрэхэ хүсэлэнтэйбди. Һүүлэй үедэ энэ наадан һэргээгдэжэ, һонирхолтой олон республиканска хэмжээтэй заншалта мурьсөөнүүд ганса ниислэл хотодомнай бэшэ, мүн Сэлэнгын, Хэжэнгын, Ивалгын болон бусадшье аймагуудай түбүүдтэ үнгэргэгдэдэг болонхой.

Улаан-Үдэ хотын Үдэртэ зоруулагдан шатарай мурьсөөе ниислэлэй түб талмай дээрэ эмхидхэхэ гэхэн республикын Шатарай

федерациин, хотын сэхээтэнэй клубай, 8-дахи ДЮСШ-гай хүтэлбэрлэгшэд Т.Г.Ивановай Э.А.Улановай А.Б.Шагжиевай, А.А.Петрунинай үүсхэл дэмжэгдэжэ, "Буряад үнэн" газетын шанда хүртэхын түлөө "Хии морин" гэхэн шатарай һайндэр үнгэргэгдэбэ. Советүүдэй талмай хойто хагада ута гэгшын столнууд дүрбэлжэлүүлэн табигдажа, мурьсөөндэ хабаадаха дуратайшуул шамдуухан хууригай эзэлнэг. Тээ баруун тэнь тодхогдоһон хии морин эрдэниин һүлдэ, "Буряад үнэн" газетын редакциин шатаршадые амаршалга, сонимнай 39000 хэнгээр тарана гэхэн соносхол сугларагшадай

анхаралые татана. Уганшьегүй шатарай һайндэрэй баяр ёһололые Шатарай федерациин эдэбхитэн, хотын сэхээтэнэй клубай президент Э.А.Уланов нээжэ, "Буряад үнэн" сонинной редактор А.А.Ангархаевта үтэ үтэбэ. Олоной хабаадагшадтайгаар шатарай һайндэр ниислэл хотын талмай дээрэ түрүүшынхээ эмхидхэгдэжэ байһые тэрэ тэмдэглээд, мурьсөөндэ хабаадагшадта амжалтануудые хүсэбэ.

(Үргэлжлэлэнь 4-дхи нюурта.)

ЭРДЭМЭЙ ҮШӨӨ НЭГЭ ДОКТОР

Зүүн Сибириин гүрэнэй технологическа университетэй прикладной математикын кафедрые даагша, доцент Арсалан Дугарович Миждион Новосибирскын гүрэнэй техникескэ университетэдэ докторско диссертаци амжалтатайгаар хамгаалаа.

Оппонентнүүдын - Новосибирскын гүрэнэй техникескэ университетэй профессор, техникескэ эрдэмэй доктор Александр Александрович Воевода, Россин Эрдэмэй академийн Сибириин таһагай ашагта малтамаал шанаржуулгын институтай тухай конструкторска технологическа бююройг начальник, техникескэ эрдэмэй доктор Борис Феранонтович Симонов, Эрхүүтэй Экономическа академийн дээдэ математикын кафедрын профессор, техникескэ эрдэмэй доктор Александр Иванович Тятюшкин гэгшэд Арсалан Дугаровичай докторско диссертацине али бүхы талаһаань гүнээтэйгөөр шэнжэлжэ, үндэр сэгнэлтэ үгөөд, саашан хий эрдэмэй ажал ябуулганы амжалта хүсэбэ.

44-тэй боложо ябаһан эрдэмтэн хадаа Буряад орон дотороо мэдээжэ гэгээрэлэй хүдэлмэрилэгшэ, Буряадай номой хэблэлэй редактор ябаһан, Россин соёлой габьяата хүдэлмэрилэгшэ Дугар Миждитович Миждионой одхон хүбүүн гэгшэ. Мүнөө мэндэ ябаһан эжынь Долгор Банровна хүбүүнэйнгээ амжалтаар омогорхон байсана. Агын автономито округтой Шандалинаа уржага гаранан эрдэмэй гурбадахи доктор хүбүүгээ (урда тээн Лубсан Доржиевич Шагдаров - хэлэ бэшгэй, Эльберт Гомбожапович Базарон медицинһын эрдэмэй докториуд болоһон намтартай) нотагархидынь гүн сэдхэлхээ халуунаар амаршалаад, шэнжэлхы ажалдаа залуу үетэниие нурган хүмүүжүүлгэдэ амжалта туйлахыень үрэнэ.

Б.М.ЖИГЖИТОВ.

СЭСЭГЛЭН ЫАЛБАРЫШ УЛААН-ҮДЭМНАЙ!

Ажабайдалай урасхал соо хүнэй сэдхэл баясуулха үдэрнүүдэй тон хомор болоод байхада, хотымнай захиргаан арга оложо, үшөө нэгэ һайндэр бэлэглэбэ. Ушар юуб гэхэдэ, июль нарын түрүүшын амаралтын үдэр (июлиин 6-да) Улаан-Үдэ хотын Үдэр гэхэн һайндэр үргэнөөр тэмдэглэгдэбэ.

Үглөөнэй 9 сагһаа хотын түб талмай дээрэ хүүгэдэй һайндэр эмхидхэгдэжэ, тэдэнэй сэдхэл ханаагдаа гэжэ хэлэхээр. Тэндэ бодхоогдоһон тайзан дээрэ хүгжэмэй нургуулинуудай, дуунай болон хатарай коллективүүд гоё һайхан концерт харуулаа. Мүн тийхэдэ асфальт дээрэ зурагуудай конкурс эмхидхэгдэбэ.

Удаань "Үльгэр" театрай урдахи талмай дээрэ "Водное царство Буль-Буль" гэхэн жүжглэмэл наадан үнгэргэгдөө. Эндэ нэн түрүүн гоёор шэмэглэгдэһэн талмай хүнэй анхарал татана. Элдэб конкурснуудай хажуугаар хүүгэдэй элһээр ордуудые бодхоожо байһыень хаража хужарлахаар байгаа. Һайндэрые эмхидхэһэн



"Үльгэр" театрайхид "Сото" фирмэтэй хамта урмашуулгын бэлэгүүдые үхибүүдтэ барюулжа, һайндэрые үшөө үндэр шатада гаргаа.

Үдэшин 8 сагһаа Советүүдэй талмай залуушуул эзэлжэ, хатар наадая дэлгээ. Мэдээжэ дуушан Дугаржап Дашиев, "Бадма сээг" гэхэн хатарай бүлэг болон бусад артистнууд гоё һайхан дуу хатар

гүйсэдхэбэд. Һүүлдэнь залуушуулай бүлэгүүд, тэрэ тоодо "Трайидент", Империя снегов" гэхэн бүлэгүүд һайндэрэй гол утаһые гартаа барижа, түгэсэтэрынь хэрэгтэй урасхалаарнь ябуулаа.

А.ГЕРГЕНОВ.
ЗУРАГ ДЭЭРЭ: "Далайн дээрмэшэдтэй" тулалдаан.
М.ШАНТАКОВОЙ фото.

Барилдаан

БЭЛИГТЭ ЖАРГАЛОВ - ЕВРОПЫН ЧЕМПИОН

Дүрэ буляалдалгын барилдаагаар залуушуулай дунда Европын түрүү һуури эзэлхын түлөө мурьсөөн Турциин Стамбул хотодо үнгэргэгдэбэ. Россин нэрэ хүндые түлөөлэгшэ, спортын мастер Бэлигтэ Жаргалов 58 килограммай шэгнүүртэ барилахадаа, бүхы уулзалгадаа илалта туйлажа, Европо тусийн чемпион болоо. Энэнь мүнөө жэлдэ Черкесск хотодо ороной чемпион болоһон барилдааша хүрүүнэймнай түрүүшын ехэ амжалта гээшэ. Бэлигтэ Агын өлрүгэй Зугаалай нютагта тренер Базаржаб Бадмаевай хүтэлбэри дор барилдажа эхилээд, мүнөө Россин габьяата тренер Валерий Ивановой харууһан дор мэрэгжэлээ дээшэлүүхэ байна. Саашадаа тэрэ август һарада Финляндиида үнгэргэгдэхэ залуушуулай дэлхэйн чемпионатда хабаадаха.

Б.М.БАЛДАНОВ.

БОГДО ГЭГЭЭН АРЮУДХАА

Агван Доржиевай жасын урилгаар Буряад орондомнай залархан Халхын Богдо Гэгээн Джебзун Дамба хутагта июлиин эхээр Улаан-Үдэ хотын буддын шажантанай "Дхарма" бүлэгий (Хүүргын түмэр хэрэгсэлүүдэй заводой соёлой спортивна комплекс соо байрадаг) арюудхалан байна. Улаан-Үдэ хотодо ажалуудад олон тоотой хүн зоной амгалан тайбан ажабайдалай түлөө ушалаа хээд, Богдо Гэгээн Энэдхэгтэ буддын шажантанай энэ бүлэгтэ тусхайтаар залагдаһан Будда бурханай дүрээ "Дхарма" бүлэгтэй советтэй түрүүлэгшэ лама Нимажал Илэхиневтэ барюулаа.

Богдо Гэгээн болон Геше Дампа Тиназэй хоёр Улаан-Үдэ хотын дасанай барилдаа хүрээжэ, тэрэниие мүн аз арюудхалан байха юм.

"ДХАРМА" БҮЛЭГЭЙ
ХЭБЛЭЛЭЙ АЛБАН.

М.И. АМАГАЕВАЙ түрэнхөөр 100 жэлэй ой

“ҮНЭНЭЙ” ТҮРҮҮШЫН РЕДАКТОР



наяхан Буряад-Монголой республикын ЦИК-эй түрүүшын түрүүлэгшэ, Буряад ороной элитэ ажал ябуулагша, эрдэмтэ, “Буряад үнэн” газетын түрүүшын редактор ябаһан Матвей Иннокентьевич Амагаевай түрэнхөөр зуун жэлэй ойдо



хирээгэй набарта бажуугдан, шабын түмэрөөр хүрээлэгдэн хорёогой саана шэдүүлээ. Тэдэнэй тоодо Михай Ербанов, Цыбен Жамсарано, Элбэг-Доржо Ринчино, Гомбожаб Цыбиков, Базар Барадин, Цыденжаб Дондубон, Дамба Дашинимаев, Матвей Амагаев ба бусад ороно. Энэл үедэ ВКП(б)-гэй Буряадай обкомой ехэнхи хүдэлмэрилэгшэд, республикын Арадай Комиссарнуудай Соведэй, БурЦИК-эй ударидагшад, 14 наркомунд, ВКП(б)-гэй айкомундай 11 секретарьнар, аймагай гүйсэдхэхэ комитедүүдэй 7 түрүүлэгшэнэр хоёр жэл хүрэхгүй саг соо Эхэ орондоо урбагшад, ангиин дайсад, ниитын ажахыда хоро хүргэгшэд, хари гүрэнүүдэй шпионууд гэхэ мэтээр хардагдан юм. Энэл хугасаа соо манай республикын 6836 хүн, тэрэ тоодо 2026 хүн панмонголой хархис эмхиин гэшүүд гэгдэжэ (тэдэнэй 1303-ниинь ламанар) гэмнэгдээд, 4907 хүн түрмэдэ хаагдан байна. Тэдэнэй 2483 хүн эгээл дээдэ хэнхэлтэ болохо буудуур абаһан юм. Энэмнай оройдоол

амандаа хаража үзөөгүй байгаа. Тимэ хүнүүд бүхэли гүрэндэ яжа хоро хүргэхэб даа!

Бидэ энэ бүхы тухай хэлэхэдээ, Матвей Амагаев ямар сагта ажауугааб гэжэ уншагшадтаа үшөө дахин хануулхаяа хүсөө һэмди. Тэрэ 1937 ондо түрмэдэ хаагдажа, 7 жэлэй туршада тамын зоболон үзэнэ байна. Хоёр жэлэй туршада ори гансаараа онигорхон камера соо гэнжэлээтэй байгаа. Буряад хүбүүнэй зоригьен мохоохын тула тэрэниие хэдэн хоноогоор ганса монсогор толгойен үлөөгөөд, газар доро буладаг һэн гэжэ түрэлын болохо Нина Николаевна Амагаева нулимса гоожуулан, сугларагшадта хөөржэ үгөө. Тиигэжэ тэрэ 1944 ондо Коми АССР-тэ оршодог лагерьта, шабын түмэрэй саана наһа бараһан байна. Матвей Амагаевай түрмэдэ хаагдаһань, хамганиинь хоёр заахан үхибүүдтээ Башкирай АССР руу сүлэгдөө бэлэй.

Матвей Амагаев хардуулжа алуулаа, тэрэнэй бүхы шадалаа гаргажа, М. Ербанов, Б. Барадин болон бусадтай бии болгоһон Буряад-Монголой АССР бар хүсэндэ диилдэн, гурбан газар болгодожо таһалагдаа, һүүлдэнэ республикын нэрэ хэлгэгдээ. Угайхдаа, тэрэнэй түрэнэн тоонто нютаг болохо Наймагата һууриң Братска далайн оёорто уһанд хушагдаа.

Тиигэбэшье, эрхим эрын наһа барахада, тэрэнэй нэрэнэ үлэдэг гэшэ. Мүнөө үедэ эсэгынгээ арюун нэрье хүбүүн басаган хоёрын, аша эээнэрын нэрлүүлэн ябана. Улаан-Үдэдэ М.И. Амагаевай нэрэмжэтэ гудамжа бии, тэрэнэй ажаууһан гэртэ дурасхаалай самбар хадагданхай.

Буряад ороной элитэ ажал ябуулагша, БурЦИК-эй түрүүшын түрүүлэгшэ, “Буряад үнэн” газетын түрүүшын редактор М.И. Амагаевай түрэнхөөр 100 жэлэй ойн дурасхаалда зориулжа, манай редакциин коллектив байгша оной июниин 19-20-ной

зорюулагдажа, анханда Буряадай ЦИК-эй байрлаһан Ленинэй нэрэмжэтэ гудамжын 27-дохи гэртэ дурасхаалай самбар нээлгын баяр ёһолол болобо. Тэрэ самбар дээрэнэ: “Буряад ороной олонийтын болон гүрэнэй элитэ ажал ябуулагша, Буряад-Монголой АССР-эй ЦИК-эй түрүүшын түрүүлэгшэ, ДВР-эй үндэһэтэнэй талаар министр, ДВР-эй Буряад-Монголой автономито область хүтэлбэрилхэ президиумэй түрүүлэгшэ Амагаев Матвей Иннокентьевич эндэ ажаллаһан юм” гэжэ бэшээтэй байна.

Баярай суглаае Улаан-Үдэ хотын Советскэ районой захиргаанай гулваа А.А. Бертаков нээбэ. Матвей Амагаевай ажабайдал болон ажал хэрэгүүд тухай түүхын эрдэмэй доктор, Россин Федерациин эрдэмэй габьяата ажал ябуулагша С.А. Максанов, Эрхүүгэй областиин Оһын районой захиргаанай гулваагай орлогшо В.М. Манжигеев, “Буряад үнэн” сонинной редакторай орлогшо С.Д. Ринчинов, Улаан-Үдэ хотын захиргаанай толгойлогшын орлогшо В.Б. Прокопьев, Россин Федерациин нургуулинуудай габьяата багша А.Г. Афанасьева болон бусад үгэ хэлэнэ байна.

Энэл үдэр Буряадай үндэһэтэнэй номой санда Матвей Иннокентьевич Амагаевай түрэнхөөр 100 жэлэй ойдо зориулагдаһан баярай суглаан болобо. Энэ суглаанда Буряад ороной олонийтын түлөөлэгшэд, Эрхүүгэй областиин Оһын районһоо ерэнэн айлшад, эрдэмтэд, нютагайхид болон түрэлхидын олоороо суглараа.

Тус суглаае Буряад Республикын Арадай Хуралай Түрүүлэгшын орлогшо А.Д. Карнышев нээхэ зуураа, Буряад ороной гайхамшагта хүбүүн Матвей Амагаевай хүшөөе заагагүй бүтээхэ ёһотой гэжэ онсолон тэмдэглэбэ. Түүхын эрдэмэй доктор, профессор, академик Г.Л. Санжиев Буряад гүрэнэй элитэ ажал ябуулагша тухай элидхэл хэнэн байна. Элидхэл зүбшэн хэлсэлгэдэ түүхын эрдэмэй доктор Т.М. Михайлов, түрэлхид болон нютагайхидын Г.М. Амагаев, Н.Н. Амагаева, Т.Н. Пивоварова, В.М. Манжигеев болон бусад үгэ хэлээ.

РКП(б)-гэй Эрхүүгэй губкомой Буряадай секциин бюрогой гэшүүн, Зүүн Сибириин буряад-монголшуудай ЦК-гай түрүүлэгшын орлогшо, Буряад-Монголой автономито областиин хүтэлбэриин түрүүлэгшэ, республикын ВЦИК-эй түрүүлэгшэ, республикын финансын министр, Госпланай түрүүлэгшэ, “Буряад үнэн” сонинной, “Жизнь Бурятии” сэтгүүлэй редактор, Монголой Арадай Республикын экономика Соведэй толгойлогшо, Бага Хуралай гэшүүн, МНР-эй Финансын министерствын советник, МНРП-гэй ЦК-гай дэргэдэхи Коминтернын түлөөлэгшэ, Улаан профессурын институтдай оюутан, Ленинградтай Зүүн зүгэй институтдай директор, Москвагай Зүүн зүг шэнжэлэлгын институтдай ректор, МНР-эй түүхэ болон экономикын талаар аспирантуудай хүтэлбэрилэгшэ, Тува, Япон, Монгол болон бусад гүрэнүүд тухай олон тоото номуудай автор, профессор, түүхын эрдэмэй кандидат - эдэ бүгэдэ ажал



хүдэлмэриие 40 хүрэхгүй наһан соогоо Матвей Амагаев хэнэн байна. Буряад ороноймнай гайхамшагта хүбүүнэй ажалын шатануудаар омогорхомоор!

Тэрэ һүүлшынгээ 7 жэл соо түрмэ шорондо хаалгаатай байгаа. Хардалгада орожо, хамагдан саһаан хойшо тэбхэр 60 жэл үнгэршэбэ. Матвей Амагаев бүхы наһаараа совет засагай түлөө тэмсээшье наа, тэрэнэйнгээл гарһа наһа бараһан байна.

Матвей Амагаевай эдир наһан үүлэтэйшье, мүндэртэйшье байгаа. Тэрэ эхэ эсэгынгээ хайрада удааншье хүртэхэ золгүйдөө. Айлай зургаан хүбүүдэй одхон Матвей аба эжынгээ нангин дүрэнүүдые бүүр - түүр наһа наһандаа үншэрэн үлэнэн байна. Үншэн хүбүүн үлдэхэ даарахые яһала үзөө бээ даа. Тиигэбэ яабашье анханаһаа һүбэлгэн һэн тула эрдэм номдо һуража эхилһэн юм. Бэлшэрэй хоёр классна училищи, Эрхүүгэй церковно-багшанарай семинариһаа эхилээд лэ, тэрэ бүхы наһан соогоо һуралсалаа үргэлжэлүүлээ. Тиигэжэ Ленинградтай Зүүн зүгэй институтдай директор хүрэтэрөө ургажа шадан байна.

Мүн тэрэнэй бэшэнэн номууды нэрлэбэл, “Танну Тувагай экономикын очерк”, “Япон ба Монгол”, “Гээгдэнги ороноудай хүгжэлтын капиталис бэшэ зам тухай асуудалда”, “МНРП-дэхи баруунай үзэлэй аюул”, “МНР-эй экономика” гэхэ мэтэ болоно.

Хардалга гүрдэлгын һүжэрһэн, хара хирээгэй хагалһан гушаад онууд... Тэрэ үедэ орон доторнай тэнсэлгүй ехэ хюдалга боложо байгаа. Буряад ороноймнай олон мянган хүнүүд



2 жэл хүрэхгүй саг соо болоһон ушар тухай хэлэгдэнэ. Теэд энэ богонихон болзор соо буряад арадай эгээл эрхим хүбүүд буудуулан хосорһон юм. Тэдэнтэй хамта Буркавбригадын командна бүридэлэй бүхы шахуу командирнууд түрмэдэ хаагдан байгаа.

Панмонголой эмхиинхид Буряад ороние СССР-һээ таһалжа, Японой мэдэл доро Агууехэ Монгол гүрэниие байгуулха, Сталин, Молотов, Ворошиловай ами наһанда хоро хүргэхэ, мал олоор хюдаха, тарянай полинуудые буртаг үбһэндэ даруулха, үйлэдбэридэ хоро хүргэхэ, түмэр харгыда аюул ушаруулха һэдэлгэнүүдтэ хардагдадаг һэн. Теэд тэдэнэй зариманиинь Сталиниие хараһаа байха түмэр харгы нюдэ

үдэрнүүдтэ түрэл сониндоо түлөөһгүй захил абаһан байна. Тиигэжэ манай сонинной хэһэг 4 мянганһаа 40 мянган болотороо ургаа бшуу! Уншагшадтаймнай тоогой 10 дахин олон болоһондо Матвей Амагаевай хубита бии гэшэ! Эгээл тиимэһээ буряад арад сэсэн бэрхэ хүбүүдээ хэтын хэтэдэ мартахагүй! Дондок БАЛЬЖИНИМАЕВ манай корр

ЗУРАГУУД ДЭЭРЭ: М.И. Амагаев; Ленинэй гудамжада хадагдан дурасхаалай самбар; 100 жэлэй баярай суглаае Буряад Республикын Арадай Хуралай Түрүүлэгшын орлогшо А.Д. Карнышев нээжэ байна.

Г. САМБЯЛОВАЙ фото.

Улаан-Үдэ хотын үдэр



ХИИ МОРИН НҮЛДЭТЭЙ, ШАТАР НААДАН ТАТАСАТАЙ



(Үргэлжлэл. Эхинийн 1-дэхи нюурта).
Шатаршадаг Улаан-Үдэ хотын клубай директор А.А.Петрунин мурьсөөнэй гурим тухай тогтохогоо, шатараар уласхоорондын мастер Тимур Иванов, республикын 1997 оной чемпион, спортын мастерта кандигат Чингис Бальжиев, Буряад ороной бэрхэ шатаршадаг нэгэн, спортын мастерта кандигат Эдуард Халудоров, 14-дэхи гимназийн 16 наһатай хурагша, спортын мастерта кандигат Антон Шомоев гэгшэд 10-10 шатаршантай нэгэн дор наадахань гээд мэдүүлхэдэнь, талмай дээрэ сугларагшад альга ташан хайшабад. Энэ хонирхолтой нааганд бэрхэ шатаршадагтай хамта дээрээ 42 хүн хабаяа туршалсаа. Хэдэн часай туршада үргэлжэлэн мурьсөөндэ Т.Иванов 12:0 гэхэн тоотойгоор тэрэнэй ургаһаа тэмсэгшэдые илаба. Ч.Бальжиев 9 1/2: 1 1/2 гэхэн тоотойгоор илапта туйлажа шадаа. Доодо-Ивалга хууринһаа ерэнэн Баир Цыдыпов, улаан-үдынхид Вадим Максимов, Петя Боноев гэгшэд тэрэнтэй тэнсэхэн байна.

Э.Халудоров 8 1/2: 1 1/2 гэхэн тоотойгоор шүүгээ. Бэрхэ шатаршан Улаан-Үдын 18-даху дунда хургуулийн 8-даху классай хурагша Аюр Санжиевта шүүгдэхэ баатай болоо. Ургажа ябаа залуу шатаршаниие республикын мэдээжэ шатаршан, 8-даху ДЮСШ-гай тренер Татьяна Николаевна Агафонова хурган хүмүүжүүлдэг юм. Амжалта туйлаһан эдир шатаршаниие ханшаг сагаан үбгэдхөө эхилээд, заахан үхибүүд хүрэтэрөө амаршалга дуратайшуул олон байба. Мэдээжэ шатаршанай нэрэ солоһоо далтираагүй нааганд Улаан-Үдын 25-даху дунда хургуулийн 2 классай хурагша Түмэн Бальжанов тэнсэжэ, шатарта дуратайшуулые хужарлуулба. Эндэ сугларһан үхибүүд илангаяа баярлаа даа.

А.Шомоев 8:2 гэхэн тоотойгоор илапта туйлаа. Хурамхаан нютаг тоонтоотой В.Хорганов, улаан-үдынхид М.Готолхонов, В.Цыденов, К.Боржонов гэгшэд залуу шатаршантай тэнсэжэ шадаа. Мурьсөө үнгэргэхэн үдэр ааяма халуун байбашье, шатарай хайндэртэ хабарагшад олон байгаа.

Дымбрыловтэнэй гэр бүлын ансамблиинхидай, мүн мэдээжэ хүгжэмшэн, дуушан Баяр Батогоржиевай табиһан концерт хараа, залуу поэт Бурядаг гүрэнэй университетэй оюутан Амгалан Будаевай шүлэгүүдые тэдэнэр шагнажа хужарлаа. Угаань ёхор нааганд эндэ сугларагшад уриггажа, хүхилдгэһэн

разрядтай 29 хүн хабараа. Тэдэнэр 3 бүлэгтэ хубааржа тулалдабад. Бүлэг бүхэнһөөнь 4 илагша тогоруулагдажа, эсэсэй тулалдаанда оролсоһон 12 шатаршан өөһэд хоорондоо мурьсэхэ болобог.

Түрүүшын бүлэгтэ наадагшадаг дундаһаа Ч.Бальжиев илаба. Угаадаху хууринуудые И.Брылёв, А.Шомоев, К.Балханов гэгшэд эзэлбэ.

Хоёрдохи бүлэгтэ Т.Иванов, Э.Халудоров, Б.Цыдыпов, А.Крылов гэгшэд шалгараа. Гурбадахуда – Б.Мункоев, В.Агафонов, Г.Монгоев, А.Цыбикмитов илапта туйлаба.

Эдэнэр лэ хоорондоо гүхэриглэн наадажа, эрхимүүдэ тогоруулан байна. Нэгэ парти наадахын тула шатаршан бүхэндэ 5-5 минута үгтөө. Энээхэн сагай туршада нүгөөдгээ "бүдэрүүлхын" тула шангахан тэмсэл эхилшэбэ. Хонирхолтой наада харагшад столһоо столдо ябажа, хэнэй зүб, буруу ябадал хэнэн тухай хөөрэлдэнэ, арсалдагшые абанаг.

Хэдэн часай туршада үргэлжэлэн мурьсөөн түгэсэжэ, илагшад тогоруулагдаба. Шатараар уласхоорондын мастер Т.Иванов (8-даху ДЮСШ) нэгдэху хуури эзэлхэн байна. И.Брылёв (Авиазагод) Ч.Бальжиев ("Динамо" бүлгэм) хоёр 2-доху, 3-даху хууриие хубаалдаба. Угаадаху хууринуудые Э.Халудоров, А.Шомоев гэгшэд эзэлэ. 6-даху, 7-доху хууринуудые А.Крылов, В.Агафонов хоёр хубаалдаа. Улаан-Үдын 2-доху ТЭЦ-эй инженер А.Цыбикмитов наймадаху хуури эзэлбэ. Эдэнэр бултадаа "Буряад үнэн" газетын редакциин тогтооһон шангуудта хүртэбэ. Газетын редактор, Буряад Республикын арадай уран зохёолшо А.Л.Ангархаев шангуудые барюулахада, илагшадые халуунаар амаршалба, саашадаа сонинной шанда хүртэхын түлөө "Хии морин" гэхэн шатарай хайндэрые заншалта болгожо, жэл бүхэндэ июнь харын тэнгээр үнгэргэжэ байбал, зохисотой гээд онсолбо. Гадна энэ нааганд шалгарагшадта республикын Шатарай федерациин шангууд барюулагдаа.

Энэ мурьсөөн эмхи гуримтайгаар, олоной хабарагшадагтайгаар үнгэргэгдөө. Саашадаа хотынхидоймнай ёһотойл хайндэрын болго, эртэ урга сагай нааганд ургажа ябаа үетэниие олоор хабарагшуулжа, мэргэжэл шадабариинь мүлжэ байха арга боломжо олгожо байхань дамжаггүй.

А.ШАГЖИЕВ,
С.РИНЧИНОВ,
М.ШАНТАКОВОЙ,
Г.САМБЯЛОВАЙ фото.



Уласхоорондын мастер Т.Иванов хюлгын саана (зүүн гарһаа)

байха юм. Мүн дуу андалдааншые олоной хонирхол үүсхээ. Гадна энэл үгэдэ шатарай хюлгэ дээрэ углуу булалдалгаар, гарг н а а г а а р



Тайзан Аээрэ Дымбрыловтэнэй гэр бүлын ансамбль

(гротигуудые шэдэлгээр) мурьсөөнүүд үнгэргэгдөө. Тэрэл үгдэшэндөө республикын эгээл бэрхэ шатаршаг "Прогресс" кинотеатрай фойе соо сугларжа, блиц-турнир үнгэргэгдэбэ. Эндэ шатараар уласхоорондын мастер, спортын мастерта 10 кандигат, спортивна 1-дэхи

Маркс Ананьевич МОНИЕВ

Хэжэнгын аймагай Загаһатын совхозой үнинэй механизатор, хүдөө ажыхын үйлэдбэриие хүгжөөлдгэдэ хубитаяа оруулалсаһан ажалай ветеран Маркс Ананьевич Мониев 69 наһатайдаа нүгшэбэ. Хүдөө ажыхын үйлэдбэридэ 14 наһатайһаа эхилээд, үнэн шударгыгаар ажаллаһанайнгаа түлөө олон

медальнуудаар, Хүндэлэй грамотануудаар шагнагдаһан юм. Тэрэ арбан нэгэн үхибүүдэйнгээ гарыень ганзагада, хүлыень дүрөөдэ хүргэхэн байна. Маркс Ананьевич Мониев түрэл танилайнгаа, үри хүүгэдэйнгээ хэтэдэ мүнхэ дурасхаалда үлэхэ. Бүлэг нүхэдэнь.

Россин Федерациин Генеральна прокурор Ю.И.Скуратовта хадам абынь **БЕСЕДИН** Дмитрий Михайловичай саһаа урид наһа бараһанай ушараар Буряад Республикын Президент, Арадай Хурал ба Правительство гүнзэгы шаналалаа мэдүүлэнэ.

Эмхидхэн байгуулагшад - Буряад Республикын Президент, Арадай Хурал болон Правительство

| | | | |
|---|---|---|--|
| <p>Редактор А.А. АНГАРХАЕВ. РЕДАКЦИОННО КОЛЛЕГИ: С.Д. РИНЧИНОВ (редакторай орлогшо), Г. Х. ДАШЕЕВА (редакторай орлогшо), Б.М.Ж. БАЛДАНОВ (харюусалгата секретарь), Р.Б. ГАРМАЕВ, Д.Д. СУНДАРОН (Буряад Республикын Арадай Хурал), таһагуудые даагшад: Ц. Ц. ДОНДОГОЙ, С. Д. ОЧИРОВ, Т.В.САМБЯЛОВА, В.И.ПИНТАЕВ (хэблэлэй директор).</p> | <p>Манай адрес: 670000, Улаан-Үдэ, Каландаришвиллин үйлэс, 23, "Буряад үнэн" газетын редакци.</p> | <p>Газетг хэблэлэй 1 хуудалан хэмжээтэй. Индекс 50901. Хэһэг 2363. Хэблэлдэ тушаагдаһан саг 17.00</p> | <p>"Республиканска типографи" гэхэн АО-до газетг хэблэгдээ. Директорайнь телефон: 1-40-45. Б-0079-дэхи номертойгоор бүридхэлдэ абтанхай. Заказ № 7829.</p> |
|---|---|---|--|

Редакциин телефонууд: редакторай - 1-50-96, приёмнын - 1-54-54, редакторай орлогшонорой - 1-68-08, 1-64-36, харюусалгата секретарин - 1-50-52, секретаридаг - 1-62-62, таһагуул: үндэрхэтэнэй болон политическэ асуудалнуудаар - 1-55-97 (даагшань), 1-61-35, 1-34-05, экономикын - 1-63-86, 1-61-35, соёлой болон түүхын - 1-60-21 (даагшань), 1-57-63, залуушуулай, оюутадай ажабайдалай болон олоннитын хүдэлмэринин - 1-54-93 (даагшань), 1-69-58, мэдээсэлэй болон соносхой - 1-67-81, корректорүүдэй - 1-33-61, компьютерна түбэй - 1-66-76.

"Бурятия" хэблэлэй телефонууд: директор - 1-49-94, бухгалтери - 1-23-67, вахта - 1-35-95. Тоонуудай, бодото баримтануудай, хүнэй, нютагай нэрэнүүдэй бэшэлые хазагайруулаһан ушарта авторнуудын харюусалгатай. Редакциин ханамжа автарайхитай адли бэшэ байжа магад.